

醫
首
驗
錄
初集
卷一



咸豐三年菊月重鐫

醫西驗錄

內江縣板小西

傳學齋印

醫驗錄序

士苟好學深思以聖賢之
心爲心卽出其一技亦不
苟同流俗而其于世也將
必有所濟余筮仕歛庠得



中醫藥大學圖書館版權所有

吳子天士彬彬華國才也
讀其文知其學粹而養純
挹其言論風采令人有溫
然如玉之美及久之益聞
其天性孝友躬行不倦蓋

置身百尺樓而非尋常貌
爲士者比乃諸同人又向
余言曰天士制舉業之外
又精于醫余心誌而徐叩
之天士則述其先世之淵

源平居之探索若不欲以
醫博一日名而又不忍以
庸庸者負昔聖昔賢濟人
活人之道余謂其所得必
有大過人者矣嗣後余室

人多病。天士授以刀圭。必
立瘥。而邇年來。余所親見
開。凡濱于危者。天士活之
且無算。至覘其用藥。多不
類。時下名家所製方。余謂

天士曰子始有神授乎不
然何與人人殊而中其疾
要則又過于人人也天士
應余曰凡視病者在察其
脉理而脉必以神遇非可



北京中医药大学图书馆藏


 中国医药大学图书馆版权所有

言月
概也。余讀其所著醫驗錄
并其所自叙，益知天士處
心積慮，既迫出羣流而又
息心靜氣，求之甚專，故見
之也。定見之也。定故行之。

鼓

家天士先生、真天人也、制舉業及詩古文辭外、博通諸技、無不精妙入神、而尤神于醫、凡醫窮氣索者、遇先生輒霍然起、不肖荆婦、秉最弱、新痼諸疾、咸賴安痊、固已心感之矣、先祖惟任公年踰六旬、自壬戌冬月起、患脾泄、足背腫、燈下目不視物、久服某名醫藥、絕無一效、時癸亥蒲節前、偶偕天士先生散步荷隄、蒙先生謂不肖輩曰、令祖之恙、乃脾腎兩虛、究其原、惟腎中火衰、若補火以生土、而諸症咸療矣、今不服溫補而反用清降利濕之劑、非徒無益而

又害之方今夏令火旺、病不甚增、迨交冬水旺、尅火、火絕、則生氣俱絕、足腫陡上至腹、遂不可爲矣、令祖固信名醫、余輩愛莫能助、傷如之何、維時雖極感先生之教、然猶未知其言之必驗也、至立冬後三日、果爾、忽腫至腹、寢食維艱、前醫仍用前藥、堅戒勿補、不數日間、遂至不救、先生預決于半年之前、何其神也、嗟嗟、以名致誤、追悔何及、迄今思先生之言、惟有感泣而已、而尤可感者、家慈氏亦自壬戌冬抄患吐症、亦信服前醫、日投寒劑、服藥年餘、日益增劇、迨甲子春、一息欲絕、舉家惶懼、始求救于先生、賴先生

補天挽日之手得以回生漸次收功又復見誤于前醫復置之危凡三誤而三危三危而三救之卒賴先生得收全功康復勝前先生詳立有案茲不細贅此再造之德亦何日可忘哉鏤心刻骨圖報無由因將先生所著醫驗錄代付剞劂以廣先生之澤聊以鳴報也夫梓先生之書又何足以報先生蓋先生志在活人也使人得讀先生之書則病者不輕受誤醫者不輕誤人每歲多活若干命是先生之志也從先生之志所以報先生也然猶有私意存焉不肖旣幸慈氏之再生更望慈氏以遐齡自揣涼薄無以上

格天心惟藉是書俾人多登壽域庶幾仰體先生活人之心卽有協于上天好生之心鑒茲微忱或更錫我慈氏以退齡乎然天之錫之何莫非先生之錫之也是先生之德終無可報也亦惟謹述梗概以誌不忘云爾

康熙甲子秋日愚弟元度拜手謹跋



凡例

一是集不曰醫案、而曰醫驗錄者、錄之以自考驗、而非有意立案以示人也、余自辛酉歲暮、始兼理醫事、並前此間爲親友診治、皆隨時筆之日記簿中、亦猶了凡先生之功過格、暗自考驗、務期有功而無過耳、茲于其中選其病之疑難而易錯誤者、另錄一冊、因非有意立案、故不訪前賢醫案程式、分別門類、但照日記中年月爲次第、錄畢質之諸友、一友笑謂余曰、編年記月、其醫史乎、又一友笑曰、是是非非、不少假借、史則其春秋也、余亦



笑謝曰、如斯隆比、愧何敢當、但知我罪我、則誠有之耳、
一凡治一病、只註明立某方、用某藥、似亦可矣、一切閑語、
盡皆削去、豈不簡捷、殊不知閒處却是最喫緊處、蓋不
詳載其病之原由、本末及問答辨駁等語、則理之似是
而非者、不明、而理之至是者、亦不出、故寧使繁瑣、無取
簡捷、

一凡答問之言、皆質直筆之、日記簿中、類多粗率諺語、非
不能點竄文雅、以飾觀聽、然稍一更易、反失本來面目、
且有類於造作文字矣、此事不過欲人共明白此理、以

期無誤人命原與文字殊途故寧本色粗俚無貴夫工
文飾

俗見謂予好用溫補茲集中所載用寒涼而驗者十之
三四用溫補而驗者十之六七則誠如所謂矣然有說
焉一以人多治假病而余獨治真病故也蓋真虛寒者
偏有假火人但見其爲火而清之清之不愈又更一醫
醫又清之必歷數醫始轉而就余余直審其真者而以
甘溫投之人不問其投之果效而第見大反其從前之
寒涼遂以爲此好用溫補也一以人多治新病而余多